



TOSHKENT DAVLAT YURIDIK UNIVERSITETI REKTORINING B U Y R U G ' I

05.07.2024

401-tm-son

Toshkent davlat yuridik universiteti kafedralari qoshidagi Ilmiy maktablar faoliyatini qayta tashkil etish to'g'risida

O'zbekiston Respublikasi Prezidentining 2020-yil 29-oktyabrdagi PF-6097-son Farmoni bilan tasdiqlangan "Ilm-fanni 2030-yilgacha rivojlantirish Konsepsiyasi" hamda O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonida belgilangan vazifalarni sifatli bajarish shuningdek, Toshkent davlat yuridik universitetida ilmiy maktablar yo'nalishida olib borilayotgan ishlarning samaradorligini yanada oshirish maqsadida

B U Y U R A M A N:

1.Toshkent davlat yuridik universitetida qayta tashkil etilgan ilmiy maktablar 1-ilovaga muvofiq tasdiqlansin.

2.Belgilansinki,

ilmiy maktab faoliyati jamoaviy tadqiqotlar olib borishga va yuridik fan oldida turgan dolzarb muammolarga ilmiy yechim berishga qaratilgan faoliyat hisoblanadi;

ilmiy maktab faoliyatining samaradorligi Toshkent davlat yuridik universiteti Kengashining 2022-yil 28-dekabrdagi 6-son bayoni bilan tasdiqlangan "Toshkent davlat yuridik universitetida doktorantlar, mustaqil izlanuvchilar, ilmiy rahbarlar, ilmiy maktablar, Ilmiy darajalar beruvchi ilmiy kengashlar, Ilmiy darajalar beruvchi Ilmiy kengash qoshidagi ilmiy seminarlar reytingini aniqlash tartibi to'g'risida"gi Nizom qoidalari asosida ilmiy maktab ish rejasiga kiritilgan vazifalarni bajarilgani bo'yicha aniqlanadi;

ilmiy maktab tarkibiga professor-o'qituvchilar, ilmiy maktab rahbari ilmiy ish doirasida ilmiy rahbar (konsultant) etib belgilangan mustaqil izlanuvchilar, tayanch doktorantlar, doktorantlar, magistratura va bakalavriat bosqichi talabalari a'zo bo'lishi (bir shaxs bir vaqtning o'zida faqat bitta ilmiy maktabga a'zo bo'lishi) mumkin.

3. Ilmiy boshqarma:

ilmiy maktablar faoliyati samarali tashkil etilishini muntazam ravishda muvofiqlashtirib borsin;

har olti oyda Ilmiy ishlar va innovatsiyalar bo'yicha prorektorga ilmiy maktablar faoliyati yuzasidan ma'lumot berib borsin;

har o'quv yili yakuni bo'yicha eng samarali faoliyat olib borgan ilmiy maktab rahbari va a'zolarini xorijiy mamlakatda ilmiy stajirovka o'tash uchun yuborish, shuningdek, eng quyi natijalar ko'rsatgan ilmiy maktablarni ro'yxatidan chiqarish bo'yicha takliflar kiritib borsin;

zaruratga ko'ra yangi ilmiy maktab tashkil etilishi munosabati bilan ushbu buyruqning 1-ilovasiiga o'zgartish va qo'shimchalar kiritish bo'yicha takliflar kiritib borsin.

4. Fakultet dekanlari va kafedra mudirlari:

Ilmiy maktablar tomonidan belgilangan vazifalarni o'z vaqtida sifatli bajarilishi yuzasidan doimiy monitoring olib borsin;

ilmiy maktab faoliyati yuzasidan kafedra mudirlari har oyda fakultet dekanlariga, fakultet dekanlari har uch oyda Ilmiy boshqarmaga ma'lumot berib borsin.

5. Ilmiy maktab rahbarlari:

ilmiy maktabning ustuvor tadqiqot yo'nalishini belgilab, shu asosida ilmiy maktab faoliyatini samarali tashkil etish chora-tadbirlarini amalga oshirsin;

uch oylik muddatda ilmiy maktabning a'zolari tarkibi to'g'risidagi ma'lumotni (keyinchalik tarkibda o'zgarishlar bo'lganda uch kun ichida) Ilmiy boshqarmaga taqdim etsin;

2024/2025 o'quv yilidan boshlab har yili sentabr oyida Toshkent davlat yuridik universiteti Kengashining 2022-yil 28-dekabrda 6-son bayoni bilan tasdiqlangan "Toshkent davlat yuridik universitetida doktorantlar, mustaqil izlanuvchilar, ilmiy rahbarlar, ilmiy maktablar, Ilmiy darajalar beruvchi ilmiy kengashlar, Ilmiy darajalar beruvchi Ilmiy kengash qoshidagi ilmiy seminarlar reytingini aniqlash tartibi to'g'risida"gi Nizomda ilmiy maktablar reytingini aniqlash uchun belgilangan har bir indikatorlarni qamrab olgan ilmiy maktab ish rejasini ishlab chiqsin va tasdiqlash uchun Ilmiy boshqarmaga taqdim etsin;

har oy ilmiy maktab ish rejasini bajarilishi yuzasidan kafedra mudiriga ma'lumot taqdim etib borsin.

6. Toshkent davlat yuridik universiteti rektorining 2020-yil 3-noyabrda 07-22-son buyrug'ining 1-ilovasi bekor qilinsin.

7. Mazkur buyruq ijrosini nazorat qilish prorektor B.Xodjayev zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

J.ALLAYOROV



Kelishildi:

Ilmiy ishlar va innovatsiyalar
bo'yicha prorektor

B.XODJAYEV



Katta yuriskonsult

A.TURSUNOV

